

0.0.1 pasannacitta suttaṃ

1. vuttaṃ hetam bhagavatā. vuttavarahatā'ti me suttaṃ.

2. idāhaṃ bhikkhave ekaccaṃ puggalaṃ pasannacittaṃ evaṃ cetasā ceto paricca pajānāmi: imamhi cāyaṃ samaye puggalo kālaṃ kareyya yathā'bhatam nikkhitto evaṃ sagge. taṃ kissa hetu? cittañhi'ssa bhikkhave pasannaṃ. cetopasāda hetu khopana bhikkhave evamidhekacce sattā kāyassa bheda parammaraṇā sugatiṃ lokaṃ upapajjantī ti.

3. etamatthaṃ bhagavā avoca. tatthetaṃ iti vuccati:

pasanna cittaṃ ñatvana,
ekaccaṃ idha puggalaṃ;
etamatthañca vyākāsi,
buddho bhikkhūna santike.

imamhi cāyaṃ samaye,
kālaṃ kayirātha puggalo;
sugatiṃ upapajjeyya,
cittañhi'ssa pasāditam.

yathā'haritvā nikkhipeyya,
evameva tathāvidho;
cetopasādahetu hi,
sattā gacchanti sugatinti.

4. ayampi atthe vutto bhagavatā. iti me sutanti.